

**Հայ եւ ոռւս գիտնականների կարծիքները  
 Հայաստանի եւ Սիրիայի  
 վաղ քրիստոնէական (Դ.-Է. դդ.)  
 ճարտարապետութեան առնչութիւնների  
 հարցի ժուրդ**

ՇԱՀԵ ՏԵՐ-ԳԵՈՐԳԵԱՆ

Հայաստանի եւ օտար երկրների պատմական յուշարձանների ճարտարապետութեան փոխազդեցութիւնների հարցը բոլորովին էլ նոր չէ : Այն ծագել է գեռեւս ժԹ՝ դարի սկզբից, երբ Եւրոպայի ճարտարապետութեան պատմաբաններն ու հնագէտները սկսեցին իրենց ուշադրութիւնը սեւեսել դէպի արեւելք ու հարաւ : Այդ ուշադրութիւնից զերծ չմնաց նաեւ Հայաստանը :

Գիտնականների առաջին իսկ ճանապարհորդութիւնները դէպի Հայաստան առաջ բերեցին մի քանի տեսութիւններ՝ հայկական պատմական ճարտարապետութեան ծագման (առաջացման), զարգացման եւ կրած ազդեցութիւնների վերաբերեալ :

Տեսութիւններից մէկն այն է, որ քրիստոնէական կրօնի մուտքը Հայաստան՝ Սիրիայի ճանապարհով, իր հետ բերել է նաեւ դեռ նոր կարգաւորուող պաշտամունքային ծիսակատարութիւնների օրէնքները՝ դրանով իսկ թելազրելով կառուցուելիք պաշտամունքային առաջին սրահների կամ եկեղեցիների յատակագծային ձեւերն ու մանրամասնութիւնները, ինչպէս նաեւ նրանց ճակատների, պատռուհանների ու մուտքերի որոշ տեղորոշիք մանրամասներ :

Անշուշտ, Հայաստանի հարեւան երկրներից մէկում պատմական այսպիսի կարեւոր մի իրադարձութեան ծագումից եւ, հետեւ արար, նման զարդարումից յետոյ երբեք էլ անդական չէ, որ շատ դիտնականներ, թէկուզ բոլորովին չնշն մի նմանութիւնից ենելով, երկու երկրների վաղ քրիստոնէական ճարտարապետական կառոյցներում առնչութիւն նկատէին, ապա եւ առաջ քաշէին այն տեսութիւնը՝ որ այդ ժամանակաշրջանում, այսինքն՝ Դ-ի դարերի ընթացքում, Հայաստանի վաղ քրիստոնէական շրջանի ճարտարապետութիւնն առնչութիւն է ունեցել սիրիականի հետ, կամ աւելին՝ առաջինը ազգուել է երկրորդից :

Հայ եւ օտար գիտնականները փոխազգեցութիւնների հարցում անեցել են արրեր կարծիքներ: Դրանք երրեմն իրար հաստատում են եւ շատ դէպէերում էլ հակասում: Որոշ գիտնականներ իրենց զործունէութեան սկզբնական շրջանում փոխազգեցութիւնների մասին յարտնած իրենց իսկ կարծիքները հետազյում վերանայել են եւ վերափոխել: Եղել են այնպիսիք, որոնք իրենց տեսակէտներն ու եղբակացութիւնները ամրապնդել են մէծ հեղինակութիւն վայելող գիտնականների վերլուծական դասողութիւններով եւ չնչով: Կարելի է անդամ ասել, որ ազգուել են նրանց զաղափարներից:

Պարզ է, որ կարծիքների այդպիսի հակասութիւնները առաջ են գալիս այն իրողութիւնից, որ երկու երկրների առևելու դարաշրջանի ճարտարապետութեան միջեւ համեմատութիւն կատարելիս հեղինակները աւելի քաջածանօթ են եղել երկրներից մէկի ճարտարապետութեանը, քան միւսի:

Հայ-սիրիական վաղ քրիստոնէական ճարտարապետութեան առնչութիւնների տեսութեան հարցը առաջին անդամ հանգամանօրէն արծարծուել է Յ. Ստրժիկովսկու եւ Ն. Մաոի կողմից: Նրանց ժամանակակիցն թ. Թորամանեանը նոյնպէս անդրադարձել է այդ հարցին: Հետազյում մի շարք օտար եւ հայ գիտնականներ իրենց հերթին խօսել են այդ մասին՝ կրկնելով, գրժելով կամ որոշ փոփոխութիւնների ենթարկելով մինչ այդ գոյութիւն ունեցող կարծիքները: Նշուած զիտնականներից բացի, այս հարցին որոշ չափով անդրադարձել են նաև Ն. Տոկարսկին, Ա. Եակորսոնը, Ա. Մահմետականը, Հ. Գրաբարը, Ռ. Քրառուահարմերը, Ա. Խաչարեանը եւ ուրիշներ:

Այս յօդուածում մենք, ըստ պատմական յաջորդականութեան, կը ծանօթանանք հայ եւ ոռւս գիտնականների՝ Հայաստանի եւ Սիրիայի վաղ քրիստոնէական շրջանի ճարտարապետութեան առնչութիւնների հարցի շուրջ արտայայտուած կարծիքներին, համառօտա-

կե կը քննարկենք նրանց միջեւ զոյութիւն ունեցած ընդհանրութիւններն ու հակասութիւնները:

\*\*

Ն. Մառը վաղ քրիստոնէական ճարտարապետութեան նմուշներից յատուկ ուշադրութիւն է դարձնում Երերուքի եւ Տեկորի բազիլիկներին: Նա պեղում եւ հանգամանօրէն ուսումնասիրում է զըրանք, համեմատում է հարեւան երկրների նոյն ժամանակաշրջանում կառուցուած համապատասխան տաճարների հետ: Իր կատարած պեղումների եւ ուսումնասիրութիւնների չնորհիւ լուսարանում է մեր ճարտարապետութեան պատմութեան մի շարք ժութ հարցեր, ժխտում է, կամ՝ հաստատում որոշ գիտնականների կարծիքները(1):

Ն. Մառի վերջերս հրատարակուած «Երերուքի Բաղիլիկան»(2) աշխատութիւնը հնարաւորութիւն տուեց աւելի խորը կերպով ծանօթեանալու Դ-ի: Պ-ի: Հայ-սիրիական ճարտարապետութեան առնչութիւններին վերաբերող նրա կարծիքներին: Ի դիպ, այս աշխատութեան մէջ նա զուզահեռներ է անցկացնում նաեւ Երերուքի եւ Տեկորի միջեւ: Մառը զանում է, որ Տեկորի տաճարը հնագոյններից է Հայաստանում: Զնայած հետազյում կրած մի շարք փոփոխութիւնների, նա պահպանել է Երերուքի բազիլիկի մի շարք յատկանիշները, իսկ հետագայ յաւելուածների բացառման եւ նախկին էլեմենտների վերականգնման դէպքում (յատկապէս կողքի սիւնարահները եւ արսիդը) Տեկորը կը կրկնի Երերուքի յատակաղիծը(3):

Հեղինակների կարծիքին, թէ Հայաստանը քիչ է օգտուել բազիլիկներից, այն էլ այն դէպքում, եթէ այդ ձեւը ընդհանրապէս զոյութիւն ունեցել է այստեղ, Մառը պատասխանում է, որ բազիլիկը կար Հայաստանում, որտեղ նա մի շրջան անդամ իշխել է(4):

Սրանով փորձում է ուղղել որոշ գիտնականների այն սխալ կարծիքները, ըստ որոնց, Հայ ճարտարապետները ոչ մի ներդրում

1. Տես՝ Ստ. Մնացականեան, Նիկողայոս Մառը եւ Հայկան Ճարտարապետութիւնը, Երեւան, 1969, էջ 5: Իր այս աշխատանիւմ Ստ. Մնացականեանը հանգամանօրէն անդրադարձել է նաեւ Մառի այն կարծիքներին, որ նա յայտնի է հայ-սիրիական վաղ քրիստոնէական ճարտարապետութիւնների առնչութիւնների մասին:

2. Ն. Մառ, Երերուքի Բաղիլիկան, Երեւան, 1968 (ռուսերէն):

3. Նոյնը, էջ 26:

4. Նոյնը, էջ 29:

չեն ունեցել բազիլիկ տիպի կառուցուածքների մշակման ասպարեցում, այլ պարզապէս ժառանգել են հելենիստական աւանդոյթները:

Երերուքի բազիլիկը առանձնացնելով միւս բազիլիկ տիպերից, որոնք զոյւթիւն են ունեցել Բիւզանդիայի սահմանակից ըրջաններում, որտեղ բնակչութիւնը հետեւում էր քաղկեդանականութեանը (5) (Հետազայում կցուեցին վրացական եկեղեցուն) Մառը նրա առաջացման ականքները արդէն փնտում է ոչ թէ արեւմուտքում (Բիւզանդիայում) այլ հարաւում եւ հարաւ-արեւմուտքում, մի խօսքով՝ Սիրիայում: Երերուքի (որը վերապրում է ե-Զ. դդ.) նախատիպերի որոնման այդ ուղին Մառը պատճառաբանում է նրանով, որ նոյն այդ գաղ ժամանակաշրջանում (ե-Զ. դդ.) արեւելեան հայկական եկեղեցին սիրիականի հետ զտնուում էր բացառիկ սերտ յարաբերութեան մէջ եւ միայն Զ. դարի երկրորդ կէսից է, որ Արեւելեան Հայաստան են սկսում թափանցի յունա-բիւզանդական աղեցութեան ալիքները (6):

Իսկ ինչպէս է տեղի ունեցել հոգեւորական եւ գեղարուեստաճարտարապետական մտքերի եւ սկզբունքների տեղափոխումը Սիրիայից դէպի Արեւելեան Հայաստան, ինչպիսի՝ արամատրանութեամբ է յօտենում Մառը այդ հարցին:

Սկզբանական շրջանում, ասում է նա, Արեւելեան Հայաստանի քրիստոնէութիւնը օրկանապէս կապուած էր Սիրիայի հետ, որտեղից պէտք է ենթագրել, որ քրիստոնէական ճարտարապետութեան նորմաները զալիս էին եկեղեցական հոգեւոր բովանդակութեամբ: Մեզ համար աւելի հետաքրքիր կը լինէր անշուշտ, չարունակում է նա, եթէ Հայաստանի մօտ զտնուած սիրիական շրջանների յուշարձանները (Նիզիրին, Եղեսիա, որտեղից քրիստոնէութիւնը մտել է Հայաստան) պահպանուած լինէին: Նա ասում է, եթէ Երերուքի բազիլիկը համարէինք ծագումնարանական ծառի զագաթը, զնարով գէպի հարաւ՝ Նիզիրինն ու Եղեսիան իրենցից կը ներկայացնէին այդ ծառի բունը (7):

Եւ այսպէս, չկարողանալով որոշել բանը, նա խորանում է զարձեալ դէպի հարաւ, հարաւ-արեւմուտք՝ զտնելու Հայաստանի քրիստոնէական ճարտարապետութեան արմատները: Այդ ըրջանը նա զտնում է կեդրոնական Սիրիայի հիւսիսային զտնում՝ Անտիո-

5. Նոյնը:

6. Նոյնը, էջ 29:

7. Նոյնը, էջ 29-30:

քի, Հալէպի եւ Աստմեայի միջակայքում։ Այստեղ են կեզրոնացւած, ասում է Մառը, մեզ հետաքրքրող յուշարձանների աւերակները, այդ թւում հոյակապ տաճարներ՝ սիւներով եւ ճակատները շրջափակող աշտարակածեւ կառուցուածքներով(8)։ Սակայն շարունակութեան վրայ Մառը զիջում է իր գիրքերը։ Նա ասում է. «Եռյանատիպ յատակագիծ չենք գտնում նաեւ նշուած շրջանի ճարտարապետական յուշարձաններում։ Բայց առ չի էլ պահանջում՝ նկատի ունենալով ժամանակաշրջանների տարրերութիւնները և տարրեր նիւթական միջավայրը։ Այս շրջանի յուշարձանները երերուքի հետ կարող են համեմատուել սիւնասրահների հարցում։ Օրինակ՝ Հասսի տաճարը։ Ինչ վերաբերում է յատակադերի նմանութեանը, երերուքին ամենամօտ կանգնած է թուրմանինի բազիկը՝ ճակատում իր աշտարակածեւ կառուցուածքներով։ Բայց այստեղ էլ բացակայում են սիւնասրահները»(9)։

Համամիտ լինելով Սարժիկովսկու կարծիքին՝ Մառը գտնում է, որ անկիւնային աշտարակածեւ կառուցուածքները, որոնք շրջափակում են ճակատը, արեւելեան ճարտարապետութեան ընորոշ զծերից են։ Այստեղից էլ բխում է ե. դարի հայկական ճարտարապետութիւնը, որն ստեղծել է երերուքի բազիկիկը։ Նա ասում է, որ ըստ Սարժիկովսկու (որը հիմք է ընդունում Տօգնեի Սիրիայում նկարած ճակատները) Հաւանական է համարւում անկիւնային աշտարակների նաեւ Սիրիայից ծագած լինելը՝ նոյնպէս քրիստոնեայ արեւելքից (Փոքր Ասիա), եւ նոյնիսկ կարող են ունենալ տեղական՝ խեթական ակունքներ։ Սիեւնոյն ժամանակ Սարժիկովը կին նշել է, որ կողքի աշտարակածեւ կցաշինուածքները քրիստոնէական ժամանակաշրջանում աւելի շուտ ունեն աւանդական, գեղագիտական, քան՝ գործնական արժէք(10)։

Մառը մանրակրկիտ համեմատութիւն է անցկացնում Սիրիական իսաւրոսի (Խոճա-Քալեսի) տաճարի եւ երերուքի միջեւ։ Նա մի շարք ճարտարապետական ձեւերի եւ մանրամասների միջեւ ընդհանուր գծեր է գտնում։ Օրինակ՝ նման է գտնում նրանց աշտարակածեւ կցաշինուածքները, կողքի սիւնասրահները եւ պայտաձեւ կամարները։ Նմանութիւններ է գտնում նաեւ ճակատների միջեւ, չիմնականում՝ արեւմտեան։ Այստեղ տարրերութիւնն այն է, ասում է նա, որ Խոճա-Քալեսիի արեւմտեան ճակատի մակերեսը բաժանած է երկու մասի (ետրուսի), իսկ երերուքինը՝ երեքի։ Երեքի-

8. Նոյնը, էջ 30։

9. Նոյնը։

10. Նոյնը, էջ 31։

քում մուտքի երկու կողմերում կան որմնամոյթեր՝ երկրորդ յարկը (բալկոնը) պահելու համար, իսկ Խոճա-Քալեսիում դրանք դոյութիւն չունեն: Ընդհանուր ճակատը Խոճա-Քալեսիում աւելի ցածրագիր է, քան Երերուքում: Զնայած մի քանի տեղորաթիվ մանրամասութիւնների, շարունակում է Մառը, ճակատի մշակումը երկու տաճարներում էլ ունեն միեւնոյն տեսքը:

Խոճա-Քալեսի ճակատում կան երեք մուտքեր, երկու կողերի մուտքերը փոքր են: Մուտքերի միջև, պատի վրայ, կան կիսակլոր կեղծ որմնախորշեր: Սիրիական միջնավատերում այսպիսի խորշերը սովորական են: Երերուքում կողքի մուտքերի փոխարէն գուրս ցցուած կամարների տակ խուլ պատեր են (որ հետազայ երեւոյթ է): Կեղծ խորշեր էին պահուել նաև Երերուքի ճակատում, որոնք, ինչպէս նաև ճակատները, իրենց բարձրութեամբ տարրերում են Խոճա-Քալեսի կեղծ խորշերից:

Բայտ Մառի, ճակատի մշակման հարցում շատ նման է եւ մի շաբք մանրամասներում նոյն սխեման ունի սիրիական Զ. դարի Բարքիրհայի եկեղեցին: Իսկ Ռւմմել ձիմալի հիւսիսային եկեղեցին (Սիրիա) իր յատակագծով (որ ներկայացնում է բաղելիկ՝ ներսից վեց սիւներով) նա նմանեցնում է Երերուքի յատակագծին(11):

Տեղորաթիվ մանրամասների միջեւ զուգահեռներ անցկացը-նելիս Մառը նշում է, որ Երերուքում նա չի տեսել խոյակների վրայ քանդակուած խաղողի որթեր՝ իրենց պտուղներով, ինչպէս Տեկորի տաճարում: Բայց նա գտնում է, որ նրանք պէտք է դոյութիւն ունենային Երերուքում, յատակագէս որ նրանից հիւսիս-արեւելք գտնուող զամբարանի կոթողի մի կողմում տեսել է խաղողի որթերի շարան: Սիրիամանակ նա նշում է, որ Երերուքում պահ-պանուած խոյակների քանակը շատ քիչ է:

Սիրիայում, շարունակում է նա, խաղողի որթեր հանդիպում են Ե. դարի նրբանաշակ, զարդարուած գոների վրայ: Օրինակ՝ Բաբիկքայի հիւսիսային եկեղեցում եւ սովորաբար հիւսիսային Սիրիայում, վաղ ժամանակաշրջանում այդ որթերից կարելի է տեսնել պարզ ձեւերով գոների շրջանակներում եւ եկեղեցիների կամարներում: Խօսում է նաև Սիրիայից դուրս, Արեւելքում կիրաւած խաղողի որթերի մասին, որոնք զարդարել են Քթեսիֆոնի մեծ որաշի՝ թաղի արտաքին մասը(12):

Տեղորաթիվ հիմնական մանրամասնը, որին ուշադրութիւն է դարձրել Մառը, պատուհանները չըջակալող պատկներ են: Տեկո-

11. Նոյնը, էջ 33:

12. Նոյնը, էջ 34:

րում եկեղեցու կողքերը զարդարուած են երեք-քառորդանի որմ-նամոյթերով, որոնք պահում են տեղորսթիֆ արխիտրաւը (քովթար), որ չըջանցում է պատուհանների վերեւի մասերը՝ մինչեւ նրանց բարձրութեան մէկ երրորդ մասը, միեւնոյն ժամանակ նրանք միացնում իրար, ինչպէս սիրիական եկեղեցիներում, օրինակ՝ Քոքանայայում, Տէր-Սիթայի մկրտարանում, Քեֆեր Քիլէի եկեղեցիներում, Ա. Սիմոնում, Կալլ-Լոգէում: Բայց Քեֆեր Քիլէում, Կալլ-Լոգէում եւ Տէր-Սիթայում չըջակալները ընդգրկում են պատուհանները ամբողջութեամբ՝ մինչեւ նրանց ներքեւի մասը, ինչպէս երերուքում(13):

Աւարտելով իր ուսումնասիրութիւնը՝ Մառը զտնում է, որ առնչութիւնների հարցում աւելի ճշգրիտ եզրակացութիւնների յանդերու համար պէտք է աւելի հանգամանօրէն ուսումնասիրել վաղ չըջանի հայկական յուշարձանները:



Ականաւոր գիտնական թորոս Թորամանեանը իր աշխատութիւններում յաճախ է անդրազարձել հայ եւ օտար երկրների ճարտարապետութիւնների փոխազդեցութեան հարցին: Այս հարցի շուրջ նրա կարծիքները բազմազան են: Հայկական ճարտարապետութեան՝ օտար երկրների արուեստներից ազդուած լինելու մասին խօսելիս, Թորամանեանը նշում է, որ նրա մէջ կարելի է տեսնել ասորա-քաղդէական արուեստների զօրեղ գծեր եւ ոչ նուազ զգալի են նաեւ սասանեան եւ սիրիական արուեստների հետքերը(14): Ինչ վերաբերում է յունա-հռոմէական ազգեցութեանը, ապա ըստ Թորամանեանի, այն կատարուել է հիմնական երկու ուղիներով՝ «Երբեմն ուղիղ գծով, իսկ յաճախ Սիրիայի ճանապարհով... իր հետ բերելով նաեւ սիրիական ոճի բաւականին հետաքրքրական եւ ակնահաճոյ մոտիֆներ»(15): Նա բիւզանդական արուեստը համարելով Արեւելքի եւ Արքեւմուտքի ճարտարապետական ոճերի խառնուրդ, ասում է. «Գայիս է մի դարաշրջան, որ հայ ճարտարապետութիւնն էլ ունենում է իր ազգեցութիւնը բիւզանդական արուեստի վրայ»(16):

### 13. Նոյնը:

14. Թ. Թորամանեան, Պատմական Հայ Ճարտարապետութիւն, Ա., Տեկորի Տաճարը, Թիֆլիս, 1911, էջ 53:

15. Թ. Թորամանեան, Նիւթեր Հայկական Ճարտարապետութեան Պատմութեան, Ա. Խոր., Երևան, 1942, էջ 84: Բ. Խոր., Երևան, 1948, էջ 38-40:

16. Նոյնը, Ա. Խոր., էջ 84:

թորամանեանը, խօսելով Հայկական ճարտարապետութեան՝ ասորա-քաղցէականից, պարսկականից, սիրիականից եւ յունա-հռո-մէականից կրած ազգեցութեան մասին, միաժամանակ յիշեցնում է, որ այդ ներզործութիւնները երկարատեւ չեն եղել, այլ չուսով ձուլուել են Հայ արուեստի ինքնուրոյն ոճի մէջ եւ լիովին կերպա-րանափոխուել(17) :

Իր՝ «Տեկորի տաճարը» աշխատութեան մէջ, թորամանեանը, Տեկորի սկզբնական ձեւի եւ ընդհանրապէս Հայաստանի վաղ քրիս-տոնէական ըլջանի եկեղեցիների ակունքները որոնելիս, ենում է երկու հանգամանքից կրօնական տեսակէտից՝ նրանց ձեւը կապում է սիրիական ճարտարապետութեան նմանօրինակ յուշարձանների հետ. Նկատի ունի այն, որ Սիրիան եւ Փոքր Ասիան, լինելով քրիս-տոնէութեան նախնական «վառարանը», միաժամանակ եղել են Հայ քրիստոնէութեան ազգիւրը(18): Իսկ զեղարուեստական ոճի տեսա-պէտից այն կապում է Արեւմուտքի հետ: Նա ասում է. «Քննելով կարգ մը հարկեցուցիչ հանգամանքներ՝ զիս զարձեալ կ'առաջնոր-դէն գէպի Արեւմուտք՝ առջիս եղած առեղծուածներուն հաւանա-կան լուծման համար»(19): Հեղինակը «առեղծուածներուն հաւա-նական լուծման համար» զիմում է Արեւմուտք, քանի որ իր առա-ջին տեսակէտը համարում է անհաւանական՝ նկատի ունենալով, որ Սիրիայում եւ Միջազգետքում մինչեւ Դ. զարը կառուցուած մեծ եկեղեցիների օրինակներ, որոնք կարող էին համեմատուել Հայկա-կան հնագոյն եկեղեցիների հետ, չի զտել: Միւս կողմից նո գտնում է, որ Ասորիքում եւ Միջազգետքում այդպիսի մեծ եկեղեցիներ չէին կարող լինել, քանի որ հոգմէական կայսրութիւն հալածանքի պայ-մաններում այնտեղ մեծամեծ եկեղեցիների կառուցումը չէր թոյ-րատրուում(20) :

Հայաստանում քրիստոնէութեան ընդունման առաջին օրերին Հաւատացեալների պաշտամունքային կարիքների չուտափոյթ բաւա-րարման նպատակով մի շարք հեթանոսական մեհեաններ փոխար-կըւեցին քրիստոնէական տաճարների: Հիմք ընդունելով պատմա-կան այս իրողութիւնը՝ Թորամանեանը հետեւցնում է, որ Հայկա-

17. Թ. Թորամանեան, Տեկորի Տաճարը, էջ 54: Նիթեր Հայկական ձար-ուարապետութեան Պատմութեան, թ. Խոր., էջ 47:

18. Թ. Թորամանեան, Տեկորի Տաճարը, էջ 54:

19. Նոյնը:

20. Նոյնը, էջ 73:

կան առաջին եկեղեցիների վրայ պէտք է փնտռել հայ-Հեթանոսական մեհեանների գրոշմը(21) :

Իսկ լինչ ձեւ ունէին հայոց մեհեանները : Հիմնուելով պատմական ազրիւրների վրայ (Ագաթանգեղոս), Թորամանեանը թէեւ հայերի հեթանոսական կրօնը ազդուած է համարում արեւելեան դիցապաշտութիւնից, սակայն միաժամանակ գտնում է, որ Արշակունի թագաւորների օրոք նրա վրայ մեծ ազդեցութիւն է ունեցել յունա-Հռոմէական դիցապաշտութիւնը : Նա յատկապէս նշում է հայոց վերջին հեթանոս թագաւոր Տրդատի ծայրայեղ բծափնդրութիւնը յունական ծէսերի նկատմամբ(22) : Դրանից իսկ ելնելով՝ նա զբում է . «Յունա-Հռոմէական կրօնին այս աստիճան ենթարկուող մի ժողովրդի մեհեաններն ալ անկասկած պէտք էր, որ յունական մեհեաններու նմանութիւնը ունենալին»(23) :

Այսպիսով՝ Թորամանեանը անուղղակիորէն թելազրում է այն միտքը, որ հայկական վաղ քրիստոնէական եկեղեցիների ձեւն էլ ազդուել է յունա-Հռոմէական մեհեանների ձեւից : Որպէս օրինակ նա նշում է Տեկորի, Մրենի, Երերուքի, Քասաղի տաճարների ըսկըզբական ձեւերը(24), առանց հետապայ յաւելուածքների (օժանդակ սենեակներ եւայն) : Նա գտնում է, որ տաճարների շուրջը եղած սիւնապարզ ծածկոյթները «յունա-Հռոմէական մեհեանական ոճի սեփականութիւն են»(25), որոնք նախաքրիստոնէական մեհեանների վրայ կամ Սիրիայի ճանապարհով եւ կամ ուղղակի ազդեցութիւն է համարում նաեւ պսակներում պատշաճեցուած պճղակները(26), չչնքերի ճակատի «տիւմպան»ներով ճակտոնները եւայլն(27) : Այս միտքը հաստատում են հետեւեալ տողերը . «Բնդհակառակը, յունական մեհեանները ոչ միայն իրենց յատակալծային ձեւով, այլեւ ծիսական պաշտաման քանի մը աւանդութիւններով ալ ուղղակի հայոց քրիստոնէական տաճարներու վրայ ազդած լինելը, ըստ իս, անվիճելի կը թուի, հետեւաբար, եթէ հայոց քրիստոնէական տաճարները յունա-Հռոմէական մեհեաններու գրոշմը կը կրեն որոշ չա-

21. Նոյնը, Էջ 74:

22. Նոյնը, Էջ 75:

23. Նոյնը:

24. Նոյնը, Էջ 76:

25. Նոյնը, Էջ 56:

26. Թ. Թորամանեան, Նիւթեր Հայկական Ճարտարագետութեան Պատմութեան, Ա. Խոր., Էջ 85:

27. Նոյնը:

փով, անպայման անոնց Հայ Հեթանոսական տաճարներու վրայ ներգործած ուժեղ ազգեցութեան փոխանցումը պիտի լինի բրիստոն ԱՀութեան վրայ այդ Համամանութիւնը»(28) :

\*\*

Հայ-սիրիական կապերը հետաքրքրել են նաև սովետական դիտնականներին :

Թ. Թորամանեանից եւ Մառից յետոյ Հայ-սիրիական վազ քրիստոնէական ճարտարապետական առնչութիւնների մասին սովետական շրջանում առաջին անգամ արտայայտուել է Ն. Տոկարսկին : Նա գտնում է, որ Հայկական վաղ քրիստոնէական շրջանի ճարտարապետութիւնն իր սկզբնական կազմաւորման շրջանում հնթարկը ւել է սիրիական ճարտարապետութեան որոշ ազգեցութեանը :

Այդ ազգեցութիւնը նա համարում է շատ բնական՝ հիմք ընդունելով, որ քրիստոնէութիւնը Հայաստան է մուտք գործել Սիրիայից : Ն. Տոկարսկին ասում է, որ երբ քրիստոնէութիւնը Հայաստան մուտք գործեց Հիմնականում Հարաւից՝ Սիրիայից, Աստածաշնչի առաջին թարգմանութիւնները կատարուեցին սիրիական սկզբնազրիւրից, որն իր անզբազարձումը գտաւ պաշտամունքային յուշարձաններում : Ինչպէս դա կարելի է տեսնել Անիի պալատական եկեղեցու հարաւային պատի խորչում՝ քարէ հարթաքանդակի վրայ, որտեղ, սիրիական բիբլիական տեքստին լրիւ համապատասխան, նկարագրուած է Աբրահամի կատարած զոհաբերութեան տեսարանը(29) : Ապա շարունակելով իր տեսութիւնը՝ նա զրում է «Քրիստոնէութեան սիրիական ազրիւրները Հայաստանում իրենց հետքը զրեցին եկեղեցական կառուցուած քների վրայ : Ճարտարապետները սկզբում կառուցեցին բազիլիկներ, որոնք իրենց բուրուր առանձնայատկութիւններով իրայատուել են ոչ-կմբէթաւոր սիրիական եկեղեցիներին»(30) : Տոկարսկին աւելի համարձակ ենթադրութիւն է անում, երբ գտնում է, որ սկզբում տեղացի ճարտարապետների հետ միասին աշխատել են նաև սիրիացի վարպետներ, եւ որ մինչեւ օրերս պահպանուած Դ-եւ դարերի Աղցի գետնափոր դամբարաններ մեծ նմանութիւն ունի Համապատասխան սիրիական կառուցուած քների հետ :

28. Նոյնը, էջ 110:

29. Ն. Մ. Տոկարսկի, Հին Հայաստանի ճարտարապետութիւնը, Երեւան, 1946, էջ 48 (ռուսերէն) :

30. Նոյնը, էջ 49:

Նա գեղարուստական մեծ նշանակութիւն է տալիս Երերուքի բազիլիկին, ինչպէս նաև բարձր է զնահատում նրա գերը քրիստոնէական ճարտարապետութեան կազմաւորման սկզբնական շրջանում։ Նա խօսում է արեւմտեան ճակատի Երկյարկանի աշտարակաների մասին, որոնք կարելի է նկատել սիրիական յուշաբաններում (Թուրքմանին Էւայլն), որոնց հետ Երերուքի բազիլիկը նմանութիւն ունի(31)։ Նա Երերուքի բազիլիկի ծածկի հարցը դեռեւ վերջնական լուծուած չի համարում։ Այն փայտածածկ լինելու գէպքում աւելի է ժամանում սիրիական յուշաբաններին եւ տարրերուում հայկական միւս եռանաւ բազիլիկներից, որոնք թաղածածկ են, ինչպէս Քասաղի, Աշտարակի բազիլիկները։

Տոկարսկին անդրագառում է Երերուքի կլոր վերջաւորութեամբ պատուհանների շուրջ ձգուող երեսականներին, որոնք, ինչպէս սիրիական յուշաբաններում, բացուածքների Երկու կողմերում, հիմքերի մօտ թեքում են։

Խօսելով սիրիական հաւասարաթեւ խաչերի մասին՝ նա ասում է, թէ Երերուքի բազիլիկում ամէն տեղ կարելի է տեսնել գըրանք՝ զոնների, արխիտրաւաների, խոյակների, ինչպէս նաև արեւմըտեան պատի եռակի պատուհանի կամարների միջեւ ընկած որմնասինի խարիսխի վրայ(32)։ Հաւասարաթեւ խաչը մեծ մասամբ պատահում է ներգծուած շրջանակի մէջ եւ զուգակցուած կամ վեցթերթանի վարդանախշերով՝ կողքերում, կամ բուսական որթերով։



Ա. Եակորսոնը այն դիտնականներից է, որոնք մեծ նշանակութիւն են տալիս հայ-սիրիական վաղ քրիստոնէական ճարտարապետական փոխյարաբերութիւնների ուսումնասիրմանը եւ պարզաբանմանը։ Նա գտնում է, որ այս ուզդութեամբ դեռեւ խօսուել է Ժիայն հարեւանցիօրէն։ Յենուելով Բատլերի եւ Զալենկոյի համեմատարար նոր նիւթերի վրայ՝ նա փորձում է աւելի հիմնաւոր բացայացել Ե-Զ. դարերի հայ-սիրիական ճարտարապետական կապերը եւ համազերելով՝ դրանք՝ ցոյց տալ տարբերութիւնները։

Երերուքի եւ Տեկորի բազիլիկները սիրիական տաճարների հետ համեմատելով՝ նա զրում է. «Երկու բազիլիկները նոյն ժամանակաշրջանի սիրիական տաճարների հետ միաւորում է ոչ միայն եռանաւ քարէ բազիլիկի ընդհանուր տիպը փայտէ ծածկի տակ։ Այդ

31. Նոյնը, էջ 51:

32. Նոյնը, էջ 53:

բնդհանուր Փոնի վրայ աչքի են զարկում բազիլիկների առանձին բազարամասերը եւ ամենից տուած՝ Երերութիւնի բազիլիկի իւրայտուկ զիծը, արեւմտեան մուտքը հատող եւ դրանից պատերով անչառուած աշտարակները։ Այդպիսի աշտարակները բնորոշ են Ե-Զգարերի Սիրիայի՝ զլիաւորապէս Հայաստանին յարող նրա հիւսիսյին շրջանների շատ բազիլիկների համար։ Այդպիսի կառուցուածք ունէին Ռուվեհայի, Տուրմանինի, Կալլուպէի, Էլլարայի եւ այլ մեծ բազիլիկները։ Դրանց են յարում աւելի վաղ շրջանի մի քանի բազիլիկներ՝ մուտքի կողքերի աշտարակներով՝ Բինբիր Քիլիսէում, Լիկաոնիայում (Փոքր Ասիայի հարաւային մասում), այսինքն՝ Սիրիային յարող շրջանում»(33)։ Նա զանում է, որ Ե. զարի տուածին կէսերին կառուցուած թաղակալ ծածկով Քասաղի, Եղուարդի, Աշտարակի բազիլիկները՝ զեղարուեստականօրէն մեծ չափով զիջում էին Երերութիւնի բազիլիկին։

Նշելով Հայկական թաղակապ եւ սիրիական փայտածածկ եւանաւ բազիլիկների միջեւ եղած սկզբունքային տարբերութիւնը՝ նա շարունակում է. «Բայց, այնուամենայնիւ, Հարկաւոր է խոստովանել, որ Հայ ճարտարապետները՝ թաղակալ բազիլիկներ կառուցողները, ելնում էին Սիրիայի ճարտարապետութիւնից, այնուզից վերցնելով բազիլիկ տաճարի բուն յատակապծումը»(34)։

Ա. Եակորսոնը Համեմատում է նաեւ ուղղանկիւն բեմ ունեցող բազիլիկները. Ե-է. զարերի Հայկական ճարտարապետութեան մէջ այդպիսի բազիլիկներ, ճիշդ է, յայտնի չեն կամ, ոռնէ, չեն պահպանուել։ Մենք այդ ձեւը զիտենք միայն Բիւրականի Փ. զարի շատ ինքնատիպ տաճարից, որն այն ժամանակի համար եղուկի է : Բայց այդպիսի ձեւի հանդէս զայլ Բազրուտունեան Հայաստանում կարող է բացարուել միայն որպէս նախորդ՝ մինչարարական դարշրջանի ժառանդրութիւն, որ Հայաստանի հողի վրայ կապուած է զերազանցապէս Զ. զարի ասորական ճարտարապետութեան հետ, թէւ այդ ձեւը ժողովրդականութիւն ձեռք էլ չըերեց Հայաստանում»(35)։

Շարունակելով թուարկել Հայ-սիրիական առնչութիւնները, Ա. Եակորսոնը զբում է. «Սիրիայի վաղ միջնադարի պաշտամունքային ճարտարապետութեան մէջ նկատում են նաեւ վաղ Հայկա-

33. Ա. Եակորսոն, Հայաստանը և Սիրիան, (Ճարտարապետական Համագրումներ), «Հայութիքի Զայն» շարաբարերք, Երեւան, 1971, թիւ 44 (398)։

34. Նոյնը։

35. Նոյնը։

կան բազիլիկների այլ տարրեր՝ Տ-աձեւ սիւներ, Երերուքի նման շքամուտքեր՝ բարձր ճակտոնապատի տակ կառուցուած կամարի ձեւով եւ կորնթականի նման խոյակներ ունեցող մեծ սիւներով։ Յաճախ սիրիական բազիլիկների մէջ նկատուած է նաեւ արեւմտեան ճակատի կոմպոզիցիան՝ սքանչելի շքամուտքով եւ մի խումբ լուսամուտներով, որոնք աւարտում են ճակատը։ Ինչպէս յայտնի է, սիրիական ճարտարապետութեան համար պակաս բնորոշ չէ նաեւ արսիդի, յենաճիմների կամարների եւ լուսամուտների պայտաձեւ կառուցուածքը։ Սիրիայում յայտնի են նաեւ գուրս ցցուած արսիդով բազիլիկներ (ինչպէս Եղուարդում) եւ խոյակների փոխարէն՝ Երկարաւուն ծանր սիւներ»(36)։

Առաջին անգամ լինելով՝ Եակորսոնն է խօսում Դուբնի եւ Արուճի պեղումների ժամանակ յայտնաբերուած Հայկական պարատների յատակապծերում արտացոլում զտած սիրիական վաղ միջնադարի ճարտարապետութեան մասին։

Եակորսոնը կանէ է առնում նաեւ տեղորի հարցի վրայ։ Նը-կարազրելով յատակապէս Տեկորի եւ Երերուքի բազիլիկների տեղորները, նա զրում է. «Եման տիպի տեղորը շիման բազմաթիւ կէտեր ունի Ե-Զ. զարերի սիրիական ճարտարապետութեան հետ, որի համար առանձնապէս բնորոշ է շքամուտքերն ու լուսամուտները ըլլ-չափակող զօտիների մոաթիՓը»(37)։ Միւս կողմից՝ նշում է Տեկորի եւ Երերուքի բազիլիկների ինքնատիպութիւնը, որ զըլ-սեւորում է նրանց խստութեան, զսպուածութեան եւ լակոնիկութեան մէջ։

Իր յօդուածի վերջում Եակորսոնը կարծէս ընդհանուր համեմատութիւն է անցկացնում Հայաստանում քրիստոնէութեան Հաստատման զարացրջանում Սիրիայի կոթողային ճարտարապետութեան ունեցած ազգեցութեան, Երեմն էլ՝ ուղղակի փոխառութեան եւ Հայաստանի նոյն ըրջանի Եկեղեցական ճարտարապետութեան ինքնատիպութեան միջնեւ եւ զալիս է այն եղբակացութեան, որ «Հայ ճարտարապետներն ու քարտաշները Ե. գարում բաւականին ինքնատիպ էին մեկնաբանում սիրիական այն արուեստը, որ նըրանք լաւ զիտէին եւ յարգում էին, բայց ընկալում ոչ որպէս պարագիր ու քարացած օրինակ, այլ լոկ որպէս մեկնակէտ իրենց ըստեղծագործութեան համար, որ ցոյց էր տալիս, որ արդէն միջնադարի արշալոյսին Հայաստանում ձեւառուել էր սեփական ճար-

36. Նոյնը։

37. Նոյնը։

տարապետական մի գոլըց՝ իր ճարտարապետական-գեղարուեստական միջնաբառով»:

Ինչպէս տեսնում ենք, Եակորսոնը ընդունում է Հայկական եւ սիրիական վաղ քրիստոնէական ճարտարապետութիւնների միջեւ եղած առնչութիւնները, բոլորովին այլ կարծիքի է տուեալ ժամանակաշրջանում Հայկական ճարտարապետութեան՝ մի ուրիշ երկրի հետ ունեցած առնչութիւնների մասին(38) :

Այդ երկիրը Բիւզանդիան է: Արեւմտահերոպական զիտնականները գետ մինչեւ վերջին ժամանակները սիրիական եւ Հայկական վաղ քրիստոնէական ճարտարապետութիւնների մասին խօսելիս նշում էին նրանց ընդհանրութիւնները եւ առնչութիւնները բիւզանդական նոյն ժամանակաշրջանի ճարտարապետութեան հետ: Աւելին, Հայկական վաղ միջնադարի ճարտարապետութիւնը նրանք մեկնարանում էին միայն որպէս բիւզանդական ճարտարապետութեան մի ժիւղ: Այսպիսի մօտեցումը Եակորսոնը համարում է միակողմանի եւ խորապէս ոչ ճիշգ նրա համար, որ վաղ միջնադարում քրիստոնէական պաշտամունքային կառոյցներում գերիշխում էին անտիկ շրջանից ժամանգուած բազիլիկները, բայց նրանց մարմնաւորումը Բիւզանդիայում, արեւելքում՝ յատկապէս Հայաստանում եւ Վրաստանում, բոլորովին տարբեր են եղել(39):

Առաջինը ներքին ծաւալների միջեւ եղած տարբերութիւնն է:

Բիւզանդիայում կիրառուող հելենիստական տիպի եռանաւ բազիլիկը նաւերի էր բաժանում համեմատարար բարակ եւ լիար մօտիկ տեղագրուած սիւներով, որոնք խիստ կիրապով բաժանում էին կեղրոնական նաւը կողքիններից առաջացնելով ներքին տարածութեան բաժանուածութիւն:

Փոքր Ասիայի ճարտարապետները ձգտում էին թուրացնել այս բաժանուածութիւնը, եւ արդէն արեւելեան շրջաններում Բինքիր Քիլիսէում եւ Լիկաոնիում, Ե. գարում երեւացին թաղաւոր բազիլիկներ, որտեղ սիւների փոխարէն օդապործուեցին հաստահեղոյս մոլթեր՝ քիչ քանակով տեղադրուած: Այդ էլ Հնարաւորութիւն տուեց ուժեղացնելու կեղրոնական եւ կողքի նաւերի միջեւ եղած կապը: Հեղինակը ցոյց է տալիս, որ նաւերի միջեւ եղած կապն ուժեղացնելու միտումները երեւացել են նաեւ Սիրիայի մի քանի յուշարձան-

38. Տես՝ Ա. Եակորսն, Հայաստանի ու Բիւզանդիայի Վաղ Միջնադարեան ճարտարապետութեան Առնչութիւնները (ռուսերէն), «Պատմա-Բանասիրական Համական», 1973, թիւ 4, էջ 33:

39. Նոյնը, էջ 33-34:

ներում (օրինակ՝ Առուվելիք, Կալլ-Լողէ), չնայած այսուեղ ամբողջ վաղ միջնադարում իշխել է Հելլենիստական տիպի բազիլիկը:

Ինչ վերաբերում է Հայաստանին, Եսկորսանը գրում է, «որ արդէն Եւ գարում Հայաստանի կոթողային բազիլիկները ծածկը ւում էին քարաշէն զլանաձեւ թաղերով։ Մոյթերի միջև ընկած թոփչքները եկեղեցին դարձնում էին տեւիլ տարողունակ (Տեկոր, Երերուք, Աշտարակ, Ծիծեանակավանք)։ Բնորոշելով հայկական բազիլիկ ներքին ծաւալի վերաբերեալ Հիմնական յատկութիւնը՝ Ետկորսոնն ասում է. «Եերքին տարածութեան միաւորում – զա այն Հիմնական ճարտարապետա-գեղարուեստական միաւորմն է, ձգտումը, որ կարմիր թելի նման անցնում է ամբողջ հայկական միջնադարեան ճարտարապետութեան միջով»(40)։

Հեղինակի նկատած երկրորդ տարրերութիւնը կառուցուածք-ների արտաքին ձեւերի, նրանց ճարտարապետական ճակատների մեկ-նարանումն է։ Բիւզանդական ճարտարապետութիւնում նրանք խազում են պասոսի գեր եւ հանդէս են զալիս միայն որպէս արտաքին թաղանթ (երեսպատում)։ Ներքին զարգացած զինամիկացուած ծաւալների ճակատները ներկայացնում են քարացած համատարած հարթութիւններ, որոնք կենզանացուած են միայն քարի եւ աղիսի յաղորդական շարքերով։

Այլ է պատկերը հայկականում. ըստ Եսկորսոնի հայ, ինչպէս նաեւ սիրիական եւ վրացական ճարտարապետութիւններում ճակատները եւ ընդհանրապէս ամբողջ արտաքինը, խազում են բաւականին զործօն զեր։ Նրանք ծառայում էին ոչ միայն որպէս ներքին ծաւալների երեսպատման միջոց, այլեւ ներկայացնում զեղարուեստական ինքնատիպ արժէք։ Այսպիսի ուժականութիւն ստացւում էր մի շարք մանրամասների (աշտարակաձեւ ելուստներ, շքամուտքեր, ճակատների երկայնքով սիւնասրահներ եւ այլն) զեղեցիկ, միաձոյլ եւ ամբողջական համադրումով։ Այդպիսիներից են Երերուքի ու Տեկորի տաճարները, որոնք չնայած Սիրիայից կրած աղդեցութեանը, անկատկած գերազանցում են նրանց(41)։

Մեկնարաններով հայկական բազիլիկների եւս մի քանի յատկութիւններ՝ Եսկորսոնը գրում է. «Ինչպէս տեսնում ենք, բիւզանդական եւ հայկական որեւէցէ բազիլիկի հիմքում ընկած է ճարտարապետական տարրերը ըմբռնում»(42)։ Հեղինակը տարրերութիւններ

40. Նոյնը, էջ 35։

41. Նոյնը, էջ 36։

42. Նոյնը, էջ 37։

է գտնում նաեւ երկու երկրների ճարտարապետական կառուցուածքը՝ ների ընդհանութ յօրինուածքի եւ համապատասխան մանրամասների միջեւ։ Յատկանշական է համարում արսիդների ձեւերի միջեւ եղած առրերսութիւնը։ Նա զրում է։ «Բիւզանդիայում արսիդները համարեայ միշտ զուրս են ցցուած կիսաշրջան ձեւով, քիչ չեն նաեւ եռակազմ եւ չինդ կողմանի զուրս ցցուած արսիդները։ Մինչդեռ հայեականում, ինչպէս նաեւ սիրիական բազիլիկներում ընդհանրապէս կիսաշրջան արսիդով են, արեւելիան կողմից ներգծուած ընդհանութ մի պատի մէջ, որտեղ արեւելիան ճակատը ստանում է միաձոյլ տեսք և կապում կողքի ճակատների Հետո»(43)։

Եւ այսպէս՝ Եակորասնը, ի մի բերելով իր կողմից առաջ քաշուած հայկական եւ բիւզանդական վազ միջնադարի բազիլիկների միջեւ եղած չիմնական տարրերութիւնները, հաստատում է, որ նրանք արդէն զայտութիւն ունէին Եղայում, որից յատոյ այդ տարրերութիւնները աւելի են խորացել եւ ընդգծուել։ Հայկական եւ բիւզանդական ճարտարապետութիւնների միջեւ միակ ընդհանրութիւնը համարում է այն, որ երկուսն էլ հետազայում հրաժարուեցին բազիլիկ ձեւից եւ սկսեցին կիրառել կեղրոնազմբէթ եւ կեղրոնական յատակադերի ճարտարապետական սիստեմը։ Նա զտնում է, որ այս ճարտարապետական հայեացքները առանձնապէս Բիւզանդիայում եւ Հայաստանում ստացան յօրինուածքային բոլորովին տարրեր մարմնաւորում»(44)։

Իսկ ինչպէս ընթացաւ Զ-ի դարերի ճարտարապետութեան դարպացումը Բիւզանդիայում եւ Հայաստանում։ Հեղինակը հերթականորդէն մի քանի օրինակներով մեզ ներկայացնում է կեղրոնազմբէթից եւ կեղրոնական յատակադով եկեղեցիների առաջացումը։ Ակրուով հայկական յուշարձանների թուարկումից նա ասում է։ «Արդէն Զ. դարի վերջերին մշակում են իւրատիպ, միայն Հայաստանում յայտնի խորանարդաձեւ յօրինուածք ունեցող կողքերից զուրս ցցուած էքսեղրաներով (արսիդ), մեծ կառուցուածքներ՝ ծածկուած լայն գմբէթով, որ նշանակալից չափով միացնում էր եկեղեցու ներքին տարածութիւնը»(45)։ Այսպիսին է Մաստարայի եկեղեցին։ Աւելի ուշ այս տիպը կրում է որոշ բարեփոխութիւններ, գմբէթը յենուում է չորս մոլթերի վրայ, ինչպէս Բաղարանի եկեղեցում։

Դարձեալ Զ. դարի վերջում առաջանում է մի ուրիշ յատակացը յօրինուածք՝ տետրակոնի անկիւններում երեք քառորդա-

43. Նոյնը։

44. Նոյնը։

45. Նոյնը էջ 38։

նոց խորչերով։ Այստեղ զմբէթը յենուում էր տրոժպների վրայ (Աւանի Եկեղեցի 591-602 թթ.)։ Այս յօրինուածքի աւելի կատարելագործուած եւ ամբողջական գրսեւորումը Հոփիսիմէի Եկեղեցին է (618 թ.)։

Շարունակելով թուարկել տարրեր յօրինուածք ունեցող զըմբէթաւոր Եկեղեցիները՝ Եակորսոնը նշում է, որ քիչ նշանակալից չեն «զմբէթաւոր սրահ» յօրինուածքով Եկեղեցիները, ինչպէս Պտղնին (Ե. դարի սկզբը), Արուճի Եկեղեցին (668 թ.) եւ այլն։ Գնահատանքի են արժանի է. դարի սկզբին առաջացած եռախորան «զմբէթաւոր բաղիլիկ» յօրինուածք ունեցող Եկեղեցիները, որոնք կողքերից ունէին էքսէդրաներ (արսիդ) եւ ծածկուած էին կլոր լայն զըմբէթով (Դուին՝ 603-628 թթ., Թալին՝ Ե. դարի երկրորդ կէս)։

Ինչ վերաբերում է կեղրոնական յատակագծով Եկեղեցիների ճարտարապետութեանը, ապա գրանք բազմատեսակ են, բայց միաժամանակ՝ ինքնատիպ։ Դրանց հիմքում ընկած է անտիկ չրչանի շարտարապետութիւնը՝ էքսէդրաներով չրչապատուած զմբէթաւոր ուսունագների սկզբունքի ծառումով։ Այսպիսիք են Եղուարդի (562-685) մօա գտնուող կլոր (բազմակողմանի) յատակագծով եւ ութ էքսէդրաներով, իրինդի (Է. դարի երկրորդ կէս) Եկեղեցիները։ Եւ, չրչապէս, չրչանագծային բացառիկ պայծառ յատակակարգիծ ունեցող այս սկզբունքն է, որ տետրակոնի ներքին ծառալի հետ միտսին ընկած է հայկական վաղ միջնադարի հրաշալի կառուցուածք Զուարթնացի հիմքում (641-661 թթ.) (46)։

Բիւզանդիայում նոյնպէս, զրում է Եակորսոնը, արդէն Զ. դարի հիմնական ճարտարապետական տիպերից մէկը զարձաւ զըմբէթաւոր բաղիլիկը, ինչպէս իրինդի Եկեղեցին (532 թ.)՝ Կ. Պոլուում, Զ. դարի Մարիի Եկեղեցին՝ Եփեսոսում, եւ աւելի բարդ յօրինուածք ունեցող հինդ զմբէթանի Առաքելոց Եկեղեցին՝ Կ. Պոլուում։ Այս տիպին զուգահեռ զարգացաւ նաև կեղրոնական յատակագծերով կոթողային ճարտարապետութիւնը, որի հիմնալի գըրսէւորումը հեղինակը տեսնում է Ս. Սոֆիայի տաճարի նախահայրը Հանդիսացող մայրաքաղաքի թագաւորական (Սերգիի եւ Բաքուսի, 527 թ.) տաճարում եւ վերջապէս բիւզանդական վաղ միջնադարի ճարտարապետութեան գլուխգործոց՝ Ս. Սոֆիայի տաճարում (47)։

Ինչպէս Ե-Զ. դարի հայկական եւ բիւզանդական եռանիւ բազիլիկներն էին տարբերում իրարից մի շարք կարեւոր կէտերում,

46. Նոյնը։

47. Նոյնը։

նոյնքան եւ տարբեր են բիւզանդական եւ Հայկական գմբէթաւոր եկեղեցիներն իրենց համապատասխան տիպերում :

Տարբերութիւնների հիմքը ներքին տարածութեան անջտաման, խզման մէջ է, որոնք իւրայատուկ են բիւզանդական վաղ միջնադար-եան ճարտարապետութեանը, եւ ներքին տարածութեան միասնութեան մէջ, որ իւրայատուկ է նոյն շրջանի Հայկական ճարտարապետութեանը: Տարբեր էին նաև ճակատների լուծումները եւ ճարտարապետական մօտեցումը, ինչպէս նշուել է Ե-Զ. դարերի բաղիլիկ-ների կապակցութեամբ(48):

Այսուհետեւ Եակոբոսնը նշում է, որ եւ Հայաստանում եւ Բիւզանդիայում կեղբռնական յատակազծով Էկեղեցիների հիմքն են Հանդիսանում Հռոմէական գմբէթաւոր ոստոնները (ուղիղ անկիւն կամ կիսաշրջան խորչ էքսեղբանները): Այսպիսին են Հռոմի Պանթէոնը, Հռոմի «Պորտա Մաջորէ» (Porta Magore) դարբասի մօտի ոստոնքան, որը կոչում է նաև «Minerva Medica» եւ այլն: Բայց այս աւանդույթի ձեւաւորումն ու կատարելազործումը եւ Բիւզանդիայում եւ Հայաստանում եղել են բոլորովին տարբեր: Հայկականում այս տիպը կիրառելիս արգէն հստել են ներքին տարածութեան ամբողջական միասնութեան, իսկ Բիւզանդիայում՝ ներքին տարածութեան անջտառածութիւնն ու խզուածութիւնը դարձեալ մնում է չյաղթահարուած(49):

Եակոբոսնը բաւականին վատահօրէն մի ընդհանուր սկզբունքային աղբիւր է նշում՝ իր ժամանակի Բիւզանդիայի եւ Հայաստանի զլուխ գործոցներ համարուող Ս. Սոփիայի եւ Զուարթնոցի համար: Նա զտնում է, որ Հարաւային Սիրիայում զտնուող Բոսրայի (512 մ. թ.) տաճարից զարգացման ուղիղ զիծ է զնացել մինչեւ բիւզանդական Ս. Սերգիի եւ Բաքուսի տաճարը եւ աւարտուել Ս. Սոփիա տաճարում: Նոյնպիսի զարգացման զիծ է զնացել նաև զէպի Զուարթնոց, որտեղ Հայերը, օգտագործելով Բոսրայի տաճարում ներկայացուած ճարտարապետական սկզբունքն ու տեսակէտը, ստեղծեցին մի նոր յօրինուածք, որն առաւել առաջադէմ էր, քան իր սկզբնաղբիւրը: Նոյն սկզբնաղբիւրի վրայ ընթացող ճարտարապետական զարգացումը Բիւզանդիայում տուեց ոչ պակաս Հիանալի արդիւնքներ (նկատի ունի իմա՞ Ս. Սոփիան, Շ. Տ. Գ.)(50):

Այս բոլորից յետոյ հեղինակը շատ համարձակ համեմատութիւն է կատարում Ս. Սոփիայի եւ Զուարթնոցի միջնեւ, ապա շա-

48. Նոյնը, էջ 39:

49. Նոյնը, էջ 40:

50. Նոյնը, էջ 40:

բաղրում իր հիմնական եղբակացութիւնները։ Ատորեւ քաղուածարար բերում են դրանք։

«Որքան տարբեր են Զուարթնոցն ու Սոֆիան . . .»

«Կարելի է, ի հարկէ, առարկել թէ ճարտարապետական այս երկերը անհամեմատելի են, որ նրանք տարբերաշափ են, տարբերամասշտար։ Բայց մեզ թւում է, որ այս համեմատութիւնը միանդամայն օրինական է։ Քանի որ այն փուլը, որ ճարմնաւորուած է Ս. Սոֆիայում՝ Բիւզանդիայում, ամբողջապէս համապատասխանում է այն պատմագեղարուեստական փուլին, որ ճարմնաւորուած է Զուարթնոցում՝ Հայաստանում։ Ճարտարապետորէն այդ ստեղծագործութիւնները իրօք տարբեր են, սակայն առաւել ակներեւ է, որ հայկական վաղ միջնադարեան ճարտարապետութիւնը պէտք չի խրցել բիւզանդական ճարտարաբերութեան ըլջանակների մէջ . . . Անշուշտ, — շարունակում է Եակորսոնը, — մէկի եւ միւսի միջեւ անդունդ չկար, նրանց մօտեցնում էր քրիստոնէութիւնը, որի պաշտամունքն էին նուիրուած Եկեղեցիները։ Բայց դա չափազանց լնդհանուր հիմք է լրիւ որոշելու համար ճարտարապետական պարգացումը իր կոնկրետ գրսեւորումներում, մանաւանդ որ արդէն Զ. դարում Եկեղեցական պառակտում առաջացաւ Հայաստանի եւ Բիւզանդիայի միջեւ։ Եկեղեցական պառակտումով աւարտած հակաքաղկեդունական հոսանքը Հայաստանում խորապէս, անկասկած, նոյնպէս անդրադարձաւ Հայ ճարտարապետների ստեղծագործական ձգտումների վրայ»(51)։

Աւարտելով իր յօդուածը Հայ-բիւզանդական վաղ միջնադարեան ճարտարապետական առնչութիւնների մասին՝ Եակորսոնը ընդհանուր համագումարի է բերում յօդուածում նշուած բոլոր հիմնական գրոյթները եւ եղբափակում այսպէս։

«Բոլոր ասուածները ցոյց են տալիս, թէ որքան անօրինաշափ է Հայկական վաղ միջնադարեան ճարտարապետութիւնը (առաւել եւս յաջորդող աւելի ուշ ժամանակների ճարտարապետութիւնը) մտցնել բիւզանդական ճարտարապետութեան պատմութեան մէջ եւ Հայաստանը դիտել (ինչպէս մինչեւ հիմա արւում էր այդ) որպէս Բիւզանդիայի ճարտարապետական գեղարուեստական զաւառ»(52)։

Ալ. Սահինեանը պատկանում է Հայ ճարտարապետութեան պատմութեան այն մասնագէտների շարքին, որոնք պատկառելի նիւթ են Հայթայթել մեղ՝ Հայաստանի անտիկ եւ վաղ քրիստոնէական

51. Նոյնը, Էջ 41:

52. Նոյնը, Էջ 42:

Դ-Զ. դարերի ձարտարապետութեան մասին։ Նա զիտահետազոտուկան լուրջ աշխատանքներ է ասրել այդ ժամանակաշրջաններին պատկանող մի քանի կարեւոր յուշարձանների վրայ, ինչպիսին Գառնիի Հեթանոսական տաճարն է, Քասարի բազիլիկը, իջմիածնի տաճարը եւ այլն։

Նա գտնում է, որ վաղ չըջանում կառուցուած բազիլիկ տաճարների սկզբնական յօրինուածքը թէ ներքին կառուցուածքով եւ թէ արտաքին տարածական-ծաւարային յօրինուածքով սրուշակիօրէն տանչում է անտիկ (նախաքրիստոնէական) չըջանի ճարտարապետական արուեստի հետ, իսկ բազիլիկին հետագայում աւելացրած ժամաները (բազմանիստ արսիդ, արտաքին կամարակապ սրահներ, չքամուտքերի սիւնազարդ կառուցուածքներ, ճակատաքարերի զարդարնդակներ եւ այլն) քրիստոնէական վաղ չըջանի արուեստի հետ, որտեղ «ակնբախ ընդհանրութիւն զոյութիւն ունի յաւելուածքների ճարտարապետական մշակումների եւ քրիստոնէական վաղ չըջանի ինչպէս սիրիական, այնպէս էլ փոքր-ասիական համանման կառուցուածքների մշակումների միջեւ»(53)։

Ալ. Սահինեանը հետաքրքիր բաժանում է կատարում բազիլիկ-ների տիպերի միջեւ։ Նկարագրելով Քասարի եռանաւ բազիլիկը նա տառւմ է։ «Եաւերն ունեցել են թաղակապ ծածկ եւ երեքն էլ տոնուել են մէկ ընդհանուր երկրանջ կտուրի տակ։ Նման յօրինուածքը համարում է «բազիլիկալ կառուցուածքների արեւելեան տիպ» կամ ուղղակի՝ «սրահաձեւ եկեղեցի»(54)։ Տաճարի սկզբնական կառուցուածքը լստ երեւոյթին, ունեցել է ուղղանկիւն ձեւի սեղան (խորան), ինչպէս՝ Արցախ, Տեղոր, Փարքի, Յիւրական, Եղուարդ, եւ այլն։ Իսկ այլ երկրներից՝ Հիւսիսային Միջագետքը, Սիրիան, Սկանդինավիան եւ այլն։ Փոխազդեցութիւնների հարցում նշանակալից դեր է կատարում երերուքի եռանաւ բազիլիկը։ Ալ. Սահինեանն այսպէս է ներկայացնում մեկ նրա դերը։ Երերուքը «մի կողմից որոշակի լոյս է սփռում Հայ ազգային ճարտարապետութեան ծագման ու նրա հետագայ կազմաւորման արմատական մի չարք հարցերի վրայ, միւս կողմից նպաստում հարեւան ժողովուրդների հետ ժա-

53. Ա. Սահինեան, Հայկական ճարտարապետութիւնը Վաղ Ֆէռամալիզմի դարաշրջանում (Դ-Զ. դարեր) (Տես՝ Ակնարկ Հայ ճարտարապետութեան Պատութեան, Երևան, 1964), էջ 105։

54. Նոյնը, էջ 103։

55. Ա. Սահինեան, Քասարի բազիլիկայի ճարտարապետութիւնը, Երևան, 1955, էջ 69-71։

մանակին գոյութիւն ունեցած մշտկութային կապերի, ազգեցութիւնների և փոխազդեցութիւնների ճշմարտացի մեկնաբանմանը» (56) :

Բայ Սահինեանի շինարարական վերլուծութիւնների, բազիլիկի յատակագծային եւ ծաւալս-տարածական ընդհանուր յօրինուածքի ու օրկանական միասնութիւնը ստեղծուել են աստիճանաբար, տարբեր ժամանակների յաւելուածքներով, առանց որի բուն չէնքը ստանում է շատ պարզ տեսք եւ հեռանում է սիրիական համանման յուշարձաններից (57) (Թուրքմանին, Կալբ-Լող), որոնց ճարտարապետութեան հետ նա ուղղակի ընդհանրութիւն ունի: Երերութիւնի մասին խօսելիս վերջում նա ասում է, որ այդ բազիլիկի «ճարտարապետութիւնը նկատելիօրէն սերուել է նախորդ՝ նախաքրիստոնէական շրջանի արուեստից, որոշակի չփման մէջ է զանուել քրիստոնէական կրօնը ընդունած հարեւան ժողովուրդների (Սիրիա) ճարտարապետութեան հետ եւ ինքն իր հերթին առատ նիւթ մատակարարել յաջորդ ժամանակաշրջանի Հայաստանի ճարտարապետական-կառուցողական արուեստին» (58) :

Ամփոփելով փոխազդեցութիւնների վերաբերեալ իր կարծիքը՝ Սահինեանը զրում է. «Սիրիական ու փոքր-ասիրական ժողովուրդների արուեստների շամար յատկանշական ճանաչուած ճարտարապետական առանձին ձեւերն ու մանրամասները (արտաքին սիրիա-սրահներ, աշակերտների սենեակներ, լուսամուտների որոշ պատկեր եւ այլն) հայկական կառուցուածքներում հանդէս են զայիս որդէս հետագայ յաւելուածքներ»:


«Սիրիական, փոքր-ասիրական, հայկական եւ կովկասեան ժողովուրդների քրիստոնէական վազ շրջանի ճարտարապետական արևեստների մէջ զոյութիւն ունեցող ընդհանրութիւնը հիմնականում վերաբերում է Դ-ե. գարերում կատարուած այդ յաւելուածներին» (59) :

56. Ակնարկ Հայ Ճարտարապետութեան Պատմութեան, Էջ 105-106:


57. Տես՝ Ակնարկ Հայ Ճարտարապետութեան Պատմութեան, Էջ 109: Քաղաքի Բազիլիկայի ճարտարապետութիւնը, Էջ 238:

58. Տես՝ Ակնարկ Հայ Ճարտարապետութեան Պատմութեան, Էջ 110:

59. Նոյնը, Էջ 124: Յաւելումների մասին հեղինակը հանգամանօրէն անդրադաել է իր Քասազի Բազիլիկայի ճարտարապետութիւնը աշխատանքում: Այնտեղ նշուած է Քասազի, Տեկորի, Երերուքի, Դուինի, Աշտարակի, Եղուարդի, Ծիծեռնակալամբի եւ այլ եռամիւ բազիլիկների սկզբանական կառուցուածքների մկանամքը կատարուած հետագայ յաւելումների մասին (տես՝ Էջ 82-116):



Երեբուի քաղիլիկայի յատակագիծը




Տեկորի քաղիլիկայի յատակագիծը




Երերուսլի բազիլիկայի արեւմտեան նակատը



Երերուսլի բազիլիկայի հարաւ արեւմտեան տեսքը



Տեղական տաճառի բնիքի սպասությունը սննդը



Տեկորի տաճարի սիւնասրահից մանրամաս

\*\*

Ատ. Մնացականեանի գիտողութիւնները հայ-սիրիական քրիստոնէական ճարտարապետութեան առնչութիւնների շուրջ մեծ հետաքրքրութիւն են ներկայացնում, առանձնապէս ուշադրութեան են արժանի նրա հետեւութիւնները՝ տետրակոնի կեղբանագմբէթ եկեղեցիների յատակադերի վերաբերեալ: Նա փորձել է զանել նրանց ծաղման սկզբնաղբիւրը և բացարձել զարգացման ընթացքը՝ արդարացնելով Զուարթնոցի եղակի ծաւալստարածական լուծման տրամաբանական դոյութիւնը: Միեւնոյն ժամանակ նա համեմատութիւններ է կատարում հարեւան երկրներում նոյն ժամանակաշրջանում կառուցուղ նոյնատիպ եկեղեցիների և ընդհանրապէս յատակադերի միջեւ. փորձում է պարզաբանել Սիրիայում և Հայաստանում նոյնատիպ յատակադերի առաջացման և նրանց ունեցած փոխադրեցութեան հարցը: Ի մի րերելով իր ուսումնասիրութիւնները հայ-սիրիական վազքի ստանէական ճարտարապետութիւնների առնչութիւնների մասին՝ Ա. Մնացականեանը գտնում է, որ տետրակոնի կեղբանագմբէթ (քառակուսի յատակադերի վրայ) եկեղեցիների ակոնքները պէտք է փնտուել Հայաստանում և ոչ թէ Սիրիայում և կամ, չորոշէական դամբարաններում (60): Ընդդիմաֆոսելով այն տեսակէտին, որտեղ ասում է թէ Զուարթնոցի նախատիպերը գտնուում են Սիրիայում, Մնացականեանը ցոյց է տալիս Զուարթնոցի և սիրիական նոյնատիպ յուշարձանների հիմնական տարրերութիւնը: Նա նշում է, որ սիրիական և բիւզանդական յուշարձանները կազմուած են երկու հիմնական բաղադրամասերից՝ ներքին տետրակոնինը և նրա ձեւերը կրկնող արտաքին պատր, իսկ Զուարթնոցը կազմուած է երեք բաղադրամասից՝ ներքին տետրակոնիսից, վերջինս գոտկող ցրջանաձեւ յենարանից և արտաքին նոյնակս չըջանաձեւ պատից (61), նրանց միջեւ եղած տարրերութիւնը նա համարում է սկզբունքային նորութիւն: «Զնայած յատակադային ձեւերի ընդհանրութեանը, - ասում է նա, - որ կայ սիրիական և բիւզանդական յուշարձանների և Զուարթնոցի միջեւ, վերջինս հայկական ճարտարապետութեան զարգացման օրկանական արդասիքն է և իր բոլոր ձեւերով հարապատ է նրան» (62): Խօսելով տաճարի կեղբանում տեղադրուած Գրիգոր Լուսաւորչի յիշատակը յաւերժացնող յուշարձանի (որի մէջ ամփոփուած են եղել նրա մասունքները) մասին՝ նա ասում է. «Նման

60. Աս. Մնացականեան, Զուարթնոցը և նոյնատիպ Յուշարձանները, Երևան, 1971, էջ 150:

61. Նոյնը, էջ 108:

62. Նոյնը, էջ 109:

գոմբողիցիս յայտնի չէր ոչ Սիրիայում ոչ էլ Բիւզանդիայում։ Այն մշակուեց յատկապէս Հայաստանում, եւ այսուղ ստեղծուած կոնկըրետ պայմաններն էին, որ ելակէտ դարձան Համանման յօրինուածքի ի յայտ գալու համար»(63)։

Նա անդրադառնում է Զուարթնոցի սիւնային կառուցումներին, նշում, որ սիւների վրայ յենուող կամարաշարերը աւելի քիչ բեռնաւորուածութեամբ յայտնի են եղել Սիրիայում եւ Բիւզանդիայում։ Ինչ վերաբերում է Զուարթնոցի մոնողբամաներին, ինչպէս նաեւ նոյն շըջանում զործածուող Հաւասարաթեւ խաչերին, ապա նրանք որոշակի նմանութիւն ունեն բիւզանդական եւ սիրիական մոնողբամաների եւ խաչերի հետ։ Խոկ արծիւների քանդակման տեխնիկան եւ յատկապէս նրանց լայնատարած թեւերի պատկերումը, փետուրների մշակուածութիւնը, պարզորոշ առնչում են չին արեւելեան ճարտարապետութեան եւ քանդակադրծութեան յայտնի ձեւերին։ Համանման լուծում տեսնում ենք ասորական, պարսկական Հարթաքանդակներում(64), Թալինի կոթողի վրայ, Օձունի ու Մրենի բարձրաքանդակներում, առանց անմիջական կրկնողութեան։ Աս Մնացականեանը գանում է, որ տաճարի արտաքինի արտակարգ հարուստ մշակումը այդ տարիներին եղակի երեւոյթ էր ոչ միայն Հայկական, այլեւ առհասարակ, ամբողջ վաղ-միջնադարեան քրիստոնէական ճարտարապետութեան մէջ։ Նա գտնում է, որ արտաքինում, Հարեւան կամարապեղների Հատման կէտերում, ուղիղ որժնասիւների վրայ գրուած պատկերաքանդակների Համանման զասաւորութիւնը պատահական չէր կարող լինել եւ, ինչպէս մի շարք քաղաքամասեր, որոշակի աղերս ունեն պաղեստինեան եւ սիրիական հնագոյն յուշարձանների ձեւերի հետ(65)։ Նոյն կարծիքին չէ արտաքին պատահ վրայ տեղ գրաւած զարդագոտու ձեւերի մասին։ Նա գտնում է, որ այդ ձեւերը այնքան իւրայատուկ են, այնքան եղակի, որ հնարաւոր չէ գրանք ամբողջական Համեմատութեան մէջ զնել ո՛չ կովկասի, ո՛չ Սիրիայի եւ ո՛չ էլ Բիւզանդիայի նոյն դարաշանի քրիստոնէական պաշտամունքի որեւէ կառուցուածքի ձեւերի հետ, խոկ յուշարձանում զործածուած լիւնեար, որի զգալաձեւ զարդամոտիֆներով ձեւաւորուած կամարապեղը յայտնի է եղել արդէն Եղարում(Տեկոր)(66), յաճախ կարելի է տեսնել նաեւ Սիրիայում, Փոքր Ասիայում, Վրաստանում։

63. Նոյնը, էջ 110։

64. Նոյնը, էջ 112-116։

65. Նոյնը, էջ 129։

66. Նոյնը, էջ 141։

Մնացականեանը զտնում է, որ Կովկասում եւ, յատկապէս, Հայաստանում քարային կառուցումների մշակումը հասել էր արտակարգ բարձր աստիճանի եւ այսեղ էր, որ տեսրականացային կոմպոզիցիան դարձել էր համարեայ թէ բոլոր կեդրոնազմբէթ յօրինուածքների ատաղձը, այստեղ է, որ կարելի էր հետեւել այն յատակադերի զարգացման տրամարանական ընթացքին, որտեղ զըմբէթը զրուում է քառակուսի հիմքի վրայ եւ միաժամանակ ամրացւած յենախորչերով։ Նա նշում է, որ յիշուած սիստեմի օգտագործումը Այեւեկիայի Բոորայի փայտածածկ մեծածաւալ կառուցուածքներում ոչ թէ հետեւանք էր տուեալ ձարտարապետական ձեւի բնական, աստիճանական զարգացման, այլ արդինք պատրաստի ձեւերի ուղղակի բնդօրինակման։ Այստեղից նա եղակացնում է, որ չի բացառուած սիրիական քառակուսի զմբէթաւոր կառուցուածքների ձարտարապետական յօրինուածքներում արեւելքի եւ յատկապէս հայկական ձեւերի գրսեւորման հնարաւորութիւնը։ Այս հարցադրումը Մնացականեանը փորձում է հիմնաւորել վաղ քրիստոնէական շրջանում Սիրիայում եւ Հայաստանում զոյտութիւն ունեցած նոյնատիպ եկեղեցիների զարգացման ընթացքի բացայացումով եւ օրոշ պատմական տուեալ-ներով։ Նա նշում է, թէ ըստ Մովսէս Խորենացու, Հայ վարպետներն էին, որ մարմարէ սալերով ծածկում էին Անտիոքի փողոցները(67)։ Հայ քարպետների մեծ վարպետութիւնը յայտնի էր միջնադարում։ Հայ վարպետները տաճարներ էին կառուցում թէ՛ Երուսաղէմում՝ Դ-Զ. գարերում, թէ՛ Վրաստանում՝ կ. դարում, վերականգնում են աշխարհահռչակ Այս Սոֆիան (Ժ. զ.)։ Մի ուրիշ տեղ նա դրում է. «Պատմական փաստերի ուսումնասիրութիւնը ցոյց է տալիս, որ Պաղեստինի եւ Սիրիայի սրբավայրերում, յատկապէս Երուսաղէմում եւ նրա շրջակայքում ծաւալուած շինարարական գործունէութեան մէջ անմասն չեն եղել հայերը, որոնք Երուսաղէմում ունեցել են մի քանի տասնեակի հասնող եկեղեցիներ։

«Բայ աւանդութեան, գեռեւս Տրգատ թագաւորը, հետեւելով Հեղինէ կայսրուհու օրինակին, Պաղեստինում ձեռնարկել է բազմութիւ եկեղեցիների կառուցմանը։ Արդէն Զ. գարից Երուսաղէմում յայտնի է եղել հայկական բազմամարդ դաղութը»։ Ապա՝ յիշատակում է նաեւ բազմաթիւ հայերի ուխտազնացութիւնը Երուսաղէմ, ինչպէս նաեւ Բիւզանդիա - Պարսկական պատերազմից յետոյ Երուսաղէմի պատրիարք Մովսէսի յատուկ նամակի մասին՝ ուղղուած Կոմիտաս կաթողիկոսին, որտեղ նա խնդրում է օժանդակել երկր-

պագութեան համար վերաշնուրած երուսաղէմ զնացող հայերին(68) :

Հեղինակը դիմում է նաեւ Բ. Առաքելեանի մի հետաքրքր վիայութեան, որտեղ նա ասում է . «Ե. գարից սկսած Ասորիքի աղ- դեցութիւնը Հայաստանի վրայ խիստ թուլանում է եւ ընդհակառա- կը, ուժեղանում է Հայաստանի քաղաքական, դաւանարանական և կուլտուրական ազդեցութիւնը Ասորիքի վրայ»(69) :

Այս եւ նման տուեալների հիման վրայ հեղինակը շատ հաւա- նական է զանում ճարտարապետների համատեղ աշխատանքը զլիսա- ւոր քաղաքներում, ինչպիսին էր Երուսաղէմը: Գանում է նաեւ, որ նրանց միջեւ որեւէ տեսակի փոխառութիւն բնական էր, ուստի եղ- րակացնում է . «Յենախորչերով ուժեղացուած քասակոնիս կոմպոզի- ցիան, որն այդ ժամանակ լաւ յայտնի էր Հայաստանում, Երուսա- ղէմ են տարել հաւանարար հայ վարպետները, եւ սիրիական քառա- կոնիս կոմպոզիցիանների ականքները պէտք է որոնել ոչ թէ Համմի- գամբարանական կառուցուածքների ձեւերում, այլ հենց այն չէնքե- րում, որոնք ըարձագրել են հայ վարպետները Պաղեստինի եւ Սի- րիայի յայտնի սրբավայրերում, յատկապէս Երուսաղէմում»(70) :

Հայաստանի եւ Սիրիայի վազ քրիստոնէական ճարտարապե- տութեան առնչութիւնների հարցի շուրջ աւելի համառօտակի ձեւով կարծիքներ են յայտնել նաեւ այլ զիանականներ: Այսպէս՝ Յ. Օք- րելին զանում է, որ արեւելեան քրիստոնէական ասորասէր գործիչ- ների(71) կողմից Հայաստան են բերուել առաջին վրական ստեղծա- գործութիւններն ու ճարտարապետական յուշարձանները: Որպէս սիրիական արուեստի հետ առաւել ցայտուն կերպով համեմատուող յուշարձան, նա նշում է երերուքի բազիլիկը՝ բնարուչելով այն որ- պէս սիրիական բնոյթի մի յուշարձան, որի մէջ կարելի է տեսնել նաեւ տեղական եւ իրանա-սասանեան գծեր :

Ն. Բրունովը նոյնպէս Երերուքի բազիլիկն է հիմք ընդունում՝ փաստելու համար հայկական եւ սիրիական վազ քրիստոնէական ճար- տարապետութեան ընդհանրութիւնները: Բաս նրա՝ հայկական եւ սի- րիական կառուցուածքները պատկանում են բիւզանդական ճարտա- րապետութեան արեւելեան զպրոցին, միաժամանակ նշում, որ պարս- կական ճարտարապետութեան որոշ մանրամասներից ազդուած լինե-

68. Նոյնը, էջ 151:

69. Նոյնը:

70. Նոյնը, էջ 151-152:

71. Յ. Օքրելի. Հայկական Արուեստ, «Նոր Հանրագիտարանային թառա- րան», Գ. Խոր., 1911, էջ 665 (ռուսերէն):

լով հանդերձ երերուքի ճարտարապետութեան Հիմքում ընկած է սիրիականը։ Դրա համար նա վկայում է քարի տաշման տեխնիկան, չէնքի ընդհանուր սիսեման և առաջ անցնելով՝ ընդհանրացնում, որ կովկասեան վաղ շրջանի կոթողային կառուցուածքների ձեւերի սկզբնաղբյուրը եղել է Սիրիան(72)։

Բերուած կարծիքները ցոյց են տալիս, որ քրիստոնէութեան մուտքը Հայաստան՝ Սիրիայի ճանապարհով, եղել է այն Հիմնաքարը, որի վրայ գիտնականների մեծ մասը կառուցել են իրենց տեսութիւնը Հայաստանի եւ Սիրիայի վաղ քրիստոնէական (Դ-ի. դդ.) շրջանի ճարտարապետութեան առնչութիւնների վերաբերեալ։ Սա միակ ընդհանրութիւնն է, որ գոյութիւն ունի նրանց միջեւ։

Տեսութեան առաջացմանը առիթ տուող միւս զրդապատճառներն ու նրանց մեկնաբանման ուղիները որոշ գիտնականների մօտ համարեալ համընկնում են, իսկ մի մասի մօտ՝ լուրսովին տարրերում։ Այժմ տեսնենք, թէ ինչպիսի ընդհանրութիւններ եւ հակասութիւններ գոյութիւն ունեն մեր թուարկած գիտնականների կարծիքներում։

Համաձայն լինելով Ն. Մասի գրոյթին՝ Եակորսոնը գրում է. «Սիրիայից Հայաստան քրիստոնէութեան տարածումը չէր կարող չուղեկցուել Դ-ի. Պարերում Հայաստանում ձեւառորուող քրիստոնէական ճարտարապետութեան վրայ սիրիական պաշտամունքային ճարտարապետութեան իւրայատուկ ձեւերի որոշակի ազգեցութեամբ»(73)։ Նա իր միտքը հաստատում է նաեւ յիշեցնելով Սիրիայի եւ Հայաստանի բնական պայմանների ընդհանրութեան մասին, որոնք, ըստ նրա կարող էին կանխորոշել շինարարական նիւթերն ու շինարարական տեխնիկայի ընդհանուր սկզբունքները(74)։ Միւս կողմից՝ նոյն գարաշը անում բիւզանդական ճարտարապետութեան հայկականի վրայ ունեցած ազգեցութիւնը մերժելիս՝ նա բաւականին հետաքրքիր ճարտարապետագեղարուեստական մեկնաբանումներ է տալիս իր գրոյթը հիմնաւորելու համար եւ առաջարկում է հայկական վաղ միջնադարեան ճարտարապետութիւնը չխցկել ըիւզանդական ճարտարապետութեան շրջանակների մէջ։

72. Ն. Բրունով, Ակնարկներ Հայ ճարտարապետութեան Պատմութեան, Սովորա-Լենինկրատ, 1935, թ. հար., էջ 470 (ռուսերէն)։

73. Ա. Եակորսոն, Հայաստանը եւ Սիրիան (ճարտարապետական համադրումներ), Հայրենիքի Զայն շաբաթական, 1971, թիւ 44 (328)։

74. Նոյնը։

Եակորսոնը, սակայն, երկու երկրների միջև ընդհանրութիւն եղող քրիստոնէութեան գերը ճարտարապետական փոխազդեցութիւնների հարցում ներկայացնում է այսպէս. «Անշուշտ, մէկի եւ միւսի միջև անդռնդ չկար, նրանց ժօտեցնում էր քրիստոնէութիւնը, որի պաշտամունքին էին նուիրուած եկեղեցիները։ Բայց դա չափադանց ընդհանուր հիմք է լիւ որոշելու համար ճարտարապետական զարգացումը իր ճշգրիտ գրսեւորումներով»(75)։

Ինչպէս տեսնում ենք, պատմական նոյն իրազութիւնը, այս սիրն՝ նոյն կրօնի՝ քրիստոնէութեան ընդհանուր լինելը մի դէպում դիտում է որպէս հիմնական ելակէտ սիրբական վաղ քրիստոնէական ճարտարապետութեան Հայաստանի նոյն ժամանակաշրջանի ճարտարապետութեան վրայ ունեցած ազգեցութիւնը հիմնաւորելու, միւս դէպում՝ այդ նոյն իրողութիւնը դիտում է որպէս չափազանց ընդհանուր հիմք ճարտարապետական զարգացումն իր ճշգրիտ գրսեւորումներով լիւ որոշելու համար։ Եակորսոնը այսեղ տիկնարկում է այն մտսին, թէ Յիւզանդիայում եւ Հայաստանում իշխող նոյն կրօնի՝ քրիստոնէութիւնը, բաւարար հիմք չէր կարող հանդիսանալ այն տեսութեանը, որ բիւզանդական վաղ միջնադարեան ճարտարապետութիւնը ազգել է Հայաստանի նոյն ժամանակաշրջանի ճարտարապետութեան վրայ, հետեւարար ճիշդ չէ այն համարել «Բիւզանդիայի ճարտարապետագեղարուեաստական զաւառ»(76), (ինչպէս դա արում էր մինչեւ վերջին ժամանակները)։ Եթէ նոյնիսկ ընդունենք քրիստոնէութեան մուտքը Հայաստան՝ Սիւրբայի ճանապարհով եւ զրանով փորձենք հիմնաւորել որոշ գիտնականների այն զրոյթը, թէ Սիւրբայի եկեղեցական ճարտարապետութեան ազգեցութեան տակ են կազմաւորուել հայկական հնագոյն եկեղեցներ՝ իրենց յօրինուածքով եւ մանրամասներով, նորից հիմնաւորուած Հարց կը ծագի։

Զէ՞ որ Հայաստանում 301 թուականին քրիստոնէութիւնը պետական կրօն հռչակուեց ժամանակի բոլոր միւս մեծ ու փոքր պետութիւններից առաջ եւ այն աւելի շատ հնարաւորութիւն ստացաւ բայց նոր կրօնի պահանջների ձեռնարկել պաշտամունքային չէնքերի կառուցաւմը։ Պատմական տուեալների համաձայն մինչեւ Կոստանդիին կայսեր՝ քրիստոնէութիւնը հեթանոսութեան հաւասար կրօն հռչակելը՝ 312 թ., հռոմէական կայսրութեան ամբողջ տարածքին քրիստոնեանները ենթարկում էին խիստ հարածանքների։ Այդպիսի

75. Ա. Եակորսոն, Հայաստանի եւ Բիւզանդիայի Վաղ Միջնադարեան Ճարտարապետութեան Աւանդութիւնները, էջ 41։

76. Նոյնը, էջ 42։

իսկամ հալածանքների մթնոլորտում արդեօք կարող էր Սիրիայում կազմաւորուած լինել այնպիսի եկեղեցական ճարտարապետութիւն, որ գրական մշակոյթի եւ կրօնական նոր, տասանուող գաղափարի հետ միասին կարողանար թափանցել Հայաստան։ Ինչպէս Թորոսանեանն է նշում, գժուար թէ Սիրիայում նախքան Դ. գարը կառուցուած լինէին այնպիսի մեծ եկեղեցիներ, որոնք լրենց յառակազմերով եւ մանրամասներով այն աստիճանի կատարելագործուած լինէին, որ կարողանային ազգել գեռ նոր կազմաւորուող Հայկական եկեղեցիների յօրինուածքի վրայ(77)։ Դեռ աւելին՝ զիտնականների կողմից որպէս Հայկական եկեղեցիների սկզբնագրիւր զիտուած սիրիական ամենավաղ շրջանի յուշարձանները պատկանում են Հիմնականում Ե-Զ. գարերին։

Գիտնականների՝ մէջրերուած կարծիքները ցոյց են տալիս որ Հայաստանի եւ Սիրիայի վաղ միջնադարեան ճարտարապետութեան առնչութիւնները բոլորի կողմից ընդունուած մի իրողութիւն է։ Բայց այդ առնչութիւնները, աւելի ճշգր, սիրիականի ազգեցութիւնը Հայկականի վրայ ամէն մի զիտնականի մօտ Հանդէս է զայիս ամրբեր շափանիչներով եւ խորութեամբ։ Ն. Մատի, Յ. Օրբելու, Ն. Քրունովի, Ն. Տոկարսկու և Ա. Եակորսոնի կարծիքները Համարեայ թելազրում են այն միտքը, որ Հայկական վաղ քրիստոնէական չէնքերը կարելի է ծագումով սիրիական Համարել։

Ճիշդ է, վերեւում նշուած բոլոր զիտնականների մօտ էլ արտայայտուած է այն միտքը, որ Հայկական վաղ քրիստոնէական ճարտարապետութեան վրայ երեւում են տեղի ժողովրդի սովորոյթներից, աւանդոյթներից ժառանգած ճարտարապետա-գեղարուեստական գծեր, բայց զա նրանց մօտ երկրորդական տեղ է զրաւում եւ ուսումն է միայն Հարեւանցիօրէն։ Օրինակ՝ Ն. Մատի ընդունում է, որ բազիլիկը ծանօթ է եղել Հայաստանում նախքան քրիստոնէութիւնը, բայց միեւնոյն ժամանակ Երերուքի բազիլիկը տեղաւորելով ժամանակամիտքին նրա արժանաները փնտուում է միայն ու միայն Հիւսուսյին Սիրիայում(78)։ Ժամանակակից զիտնական Ա. Սահինեանը այսպէս է բնորոշում Մատի տեսակէտը Հայկական եւ սիրիական վաղ քրիստոնէական ճարտարապետական առնչութիւնների վերաբերելու։ «Գրեթէ կէս դար, իրեւ անհերքելի ճշմարտութիւն, իշխում է Ն. Մատի՝ այդ կառուցուածքները սիրիական Համարելու սխալ տեսակէտը»(79)։

77. Թ. Թորամանեան, Տեկորի Տաճարը, էջ 73։

78. Ն. Մատի, Երերուքի Բազիլիկան, էջ 29։

79. Ա. Սահինեան, Քառաղի Բազիլիկայի ճարտարապետութիւնը, էջ 13։

Թ. Թորամանեանի և Ա. Սահինեանի այս հարցի շուրջ կարծիքները ունեն որոշ բնդէանրութիւններ : Երանը հայկական հնագոյն բազիլիկ եկեղեցիների սկզբնապրիւրը տեսնում էն նախաքրիստոնէական (հեթանոսական) մեհեանների ձեւերի մէջ, առանց ժխտելու սիրիական ճարտարապետութեան ազգեցութիւնը Ե-Զ. գարերում՝ հայկական բազիլիկների պարզ ձեւերից առելի բարզի անցման ըրբանում, այդ չըջնանի ազգեցութիւնները գտնում են հետագայ յաւելուածքներում (աւանդատներ, ծածկուած սիւնասրահներ, չքառուագբեր եւ պատուհանների շուրջկալներ, հաւասարաթիւ խաչեր եւ այլն) :

Նրանց կարծիքների միջև եղած տարբերութիւնն այն է, որ Թորամանեանը, բնդունելով հանդերձ հայկական հեթանոսական մեհեանների ազգեցութիւնը ամբենափաղ եկեղեցիների վրայ, միւնյն ժամանակ խօսում է նրանց վրայ յունա-հռոմէական մեհեանների թողած մէծ ազգեցութեան մասին :

Մինչդեռ Սահինեանը, խորանալով ժողովրդի ճարտարապետագրական բնդուարուեստական եւ պատմական սեփական աւանդութիւնների առհմաններում, հայկական հեթանոսական մեհեանների սկզբնապրիւրները գտնում է հայկական հոգի վրայ զարգացած բնիկ ուրարտական արուեստի մէջ(80) :

Իր կարծիքներով առանձնանում է Ստ. Մհացականեանը՝ չիմաւրիելով Զուարթնոցի տաճարի տեղական, հայկական արուեստի օրինաչափ զարգացման արգասիք լինելը: Ենելով պատմական արւելներից՝ միւնյն ժամանակ նո նշում է, որ բացառուած չէ նոյնիսկ, որ հայերը Ե-Զ. գարերում սրու չափով իրենց ներդրումն են ունեցել սիրիական ճարտարապետութեան մէջ:

Հայաստանի վազ քրիստոնէական եկեղեցիների սկզբնական ձեւերում հանդէս եկող հետագայ յաւելուածքները (սիւնասրահներ, աւանդատներ, աշտարակներ եւ այլն) սիրիական ազգեցութիւն համարելու տեսակէտից նոյնպէս ընդհանրութիւն է կազմում մեր նշան պիտնականների կարծիքներում: Միայն Թորամանեանն է, որ մի փոքր չեղուելով ընդհանուրից՝ ծածկուած սիւնասրահները համարում է յունա-հռոմէական ոճի սեփականութիւն, բացարձակագէս մերժելով նրանց հայկական ստեղծագործութիւն լինելը(81): Գիտնականների մէծ մասը յաւելուածքները համարում են Ե-Զ. գարերի գործ :

80. Նոյնը, Էջ 239:

81. Թ. Թորամանեան, Տեկորի Տաճարը, Էջ 56:

թորամանեանը աւանդատների<sup>(82)</sup> և սիւնասրահների<sup>(83)</sup> չետապայ աւելացումը հայկական եկեղեցիների սկզբնական ձեւերի վրայ վերագրում է նորաստեղծ քրիստոնէական կրօնի ծխական ուրոշ պահանջներին։ Թէ երբ է սկսուել առաջին անգամ նրանց կերպառումը, նա չի իմանում, բայց նշում է, որ «325-ի Եփկոսիոյ ժողովին կանոններուն մէջ որոշ յօդուածներ կան այդ ժամանակին»<sup>(84)</sup>։

թորամանեանը գտնում է, որ երբայտկան տաճարի հեթանոսական զաւթի միտքն է արտայայտուել հայկական սիւնասրահներում, որտեղ նրանք եղել են հեթանոսների կամ ապաշխարհողների զաւթի<sup>(85)</sup>։ Եթէ ընդունենք, որ նրանք ծառայել են հեթանոսներին և ապաշխարհողներին, պարզ է, որ արդէն Զ. զարից սկսած նրանք պէտք է սկսէին վերանալ՝ նկատի ունենալով, որ քրիստոնէութիւնը իշխում էր այդ երկրներում ու հեթանոսներ համարեալ չկային։

Հայաստանի վաղ քրիստոնէական ճարտարապետութեան՝ Սիրիայից ազգուած լինելու իրենց տեսակէտը ամբագնելու համար որոշ զիանականներ ենթագրում են, որ վաղ միջնադարում Սիրիայից Հայաստան են եղել շինարար վարպետներից կազմուած խմբակներ, որոնք տեղի վարպետների հետ միասին աշխատել են տեղական կառոյցների վրայ։ Այնպէս են ենթագրում Տոկարոսին և Եակորսոնը; Իսկ, ընդհակառակն, Ստ. Մնացականեանի կողմից մէջըւրած յիշատակութիւններն ասում են այն, որ հայ շինարար վարպետները նախաքիստանէական ժամանակաշրջանից մինչեւ Ե-Զ. զարերը եղել են Սիրիայում եւ իրենց ներգրումն են ունեցել սիրիական ճարտարապետութեան մէջ։ Տոկարոսի և Եակորսոնի մօտ իրենց տեսակէտը հիմնաւորող յիշատակութիւններ մենք չենք նկատել։ Նման ենթագրութիւններ անելիս փաստարկները դասնում են անշրաժեցու։

Երկու երկրներում էլ շինարարութեան մէջ օգտագործուող չիժնական շինանիւթը եղել է քարը։ Բայց նա տարրեր դերեր է կտուարել Սիրիայի և Հայաստանի կառոյցներու։

Վերոյիշեալ զիանականների կարծիքների մէջ կարելի է նըշամբել մի ընդհանրութիւն եւս։ Սիրիական վաղ քրիստոնէական ճարտարապետութեան ազգեցութիւնը հայկականի վրայ ցոյց տառ համար հայկական յուշարձաններից առաջին հերթին և մշտա-

82. Եոյնը, էջ 52։

83. Եոյնը, էջ 73։

84. Եոյնը, էջ 84։

85. Եոյնը։

պէս յիշւում է Երերուքի տաճարը, որը համեմատւում է Խովզեցայի, Թուրքանինի, Կալբ-Լոգէի, էլ Բարայի և եռանու այլ բազիկների, ինչպէս նաև Հիւսիսային Սիրիայի մօտ, Փոքր Ասիայի Հարաւային ժամում զանուող Քինքիր Քիլիսէում և Լիկաոնիայում դանուող Եկեղեցիների հետ։ Այդ համեմատութիւններում զլիսաւոր արեւմտեան ճակատի անկիւններում բարձրացող աշտարակները կատարում են առաջին ջութակի դերը։ Երերուքում հանդէս եկող աշտարակները նոյնպէս Հայկական վաղ քրիստոնէական Եկեղեցիների վրայ կատարած հետապայ (մինչեւ Զ. դ.) յաւելուածքների ժամն են կազմում։ Սիւնասրահների և աւանդատների առաջացման մասին Ենթադրութիւնները արուեցին։ Երերուքի աշտարակների՝ սիրիականից ազգուած լինել կամ չլինելու մասին առայժմ կարծիք յայտնել գծուար է, նկատի ունենալով, որ Հայկական վաղ քրիստոնէական ճարտարապետութեան մէջ զեռեւս զրանք մնում են որպէս եղակի գէպք։ Այդ խոկ պատճառով կարելի է ընդունել, որ գրանք սիրիական կամ փոքր-ասիական ազգեցութիւններից են առաջացել։ Այդ դէպքում Հարց է ծագում, զլիսաւոր ճակատում հանդէս եկող այդքան մեծ և հնչեղ աշտարակները եթէ անհրաժեշտութիւն էին այդ ժամանակի պաշտամունքային կամ ճարտարապետագեղարուեստական պահանջները բաւարարելու համար, առաջ ինչո՞ւ չեն արտայրուել կամ իրազործուել Երերուքին ժամանակակից միւս յուշարձաններում։

Ի մի բերելով յիշեալ գիտնականների կարծիքներն ու գրանցքնարկումները՝ տեսնում ենք, որ Հայաստանի և Սիրիայի Դ-է. դարերի վաղ քրիստոնէական ճարտարապետութեան առնչութիւնների հարցում ճշգրիտ եղբակացութիւնների յանդելու համար բաւական չեն զրականութիւնից քաղուած տեղեկութիւններն ու յուշտաձանների մասին արուած նկարագրութիւնները։ Բաւարար չեն նոյնպէս առանձին վերցրած երկրներից միայն մէկի ճարտարապետական յուշարձաններին ծանօթանալը։

Անհրաժեշտ է տեղում ուսումնասիրել և Սիրիայի, և Հայաստանի բոլոր այն յուշարձանները, որոնք համեմատւում են իրար հետ, ճշգել զրանց առաջացման ազրիւները և զարգացման ընթացքը, բազգատել միմեանց հետ հետազոտութիւնների արդիւնքների օժանդակութեամբ, որից յետոյ յանդել հնարաւոր ճիշդ եղբակացութիւնների։

**ARMENIAN AND RUSSIAN AUTHORITIES ON THE  
QUESTION OF THE CORRELATION OF ARMENIAN  
AND SYRIAN ARCHITECTURE OF 4-7TH CENTURIES**

SHAHE DER-KEVORKIAN

(Summary)

Starting from the early 19th century European historians of architecture and archeologists turned their attention to the question of mutual influence of Armenian architecture. A good number of theories were put forward concerning the origin, development and the problem of influence of Armenian architecture. One of those theories was that while Christianity penetrated into Armenia through Syria, it brought with it architectural laws and forms, which influenced the construction of the early Armenian churches.

J. Strzygowski, N. Mar, T. Toramanian, N. Togarsky, A. Yacopson, A. Sahinian, S. Menatzguanian, H. Krapar, A. Khatchaturian and others have spoken fully about the correlation of Armenian and Syrian architecture. However, the opinions of the above mentioned authorities on the subject do not always reconcile, and sometimes they even contradict each other.

Taking into consideration all the presented hypotheses on the subject, it becomes necessary to say that only after an on the spot study of all those Syrian and Armenian Christian architectural monuments of the 4-7th centuries (compared only in literature), it will be possible to reach a definite conclusion on the matter.